

Univerzitet u Sarajevu - Pravni fakultet
Odbor za osiguranje kvaliteta

Sarajevo, 07.07.2020. godine

Nastavno-naučnom vijeću Pravnog fakulteta

Predmet: *Izveštaj o realiziranoj evaluaciji provođenja online nastave na Pravnom fakultetu u ljetnom semestru akademske 2019./2020. godine*

I Uvodne napomene

15.05.2020. godine je predsjednicima Odbora za kvalitet organizacionih i podorganizacionih jedinica Univerziteta dostavljen anketni upitnik sačinjen od strane Odbora za upravljanje kvalitetom Univerziteta u Sarajevu, kako je definisano članom 6. Pravilnika o studentskoj evaluaciji rada akademskog osoblja i uspješnosti realizacije nastavnih planova i programa.

Kako je usljed vanrednog stanja izazvanog pandemijom korona virusa veći dio nastavnog procesa u ljetnom semestru 2019./20. godine na cijelom Univerzitetu proveden online, anketa je ovaj put bila usmjerena na studentsku evaluaciju online nastave u cilju ispitivanja zadovoljstva studenata online nastavim i poboljšanja kvaliteta i uspješnije realizacije online nastavnog procesa ubuduće.

U skladu sa članom 122. Zakona o visokom obrazovanju KS (Sl. n. KS 33/17) anonimna anketa je na Pravnom fakultetu provedena online preko web stranice Fakulteta u periodu od 28.5. do 01.06. 2020. godine za sve predmete koji se izvode u ljetnom semestru na svim godinama studija I ciklusa i na svim smjerovima na II ciklusu studija. Za razliku od prethodnih godina, anketa je provedena po predmetima u odnosu na sve nastavnike i saradnike koji učestvuju u izvođenju nastave, a ne za svakog nastavnika/saradnika pojedinačno. Također se za predmete nisu odvojeno evaluirali časovi predavanja i vježbi.

U nastavku izvještaja će biti izložene informacije o sadržaju ankete (2.), Informacije o broju anketiranih studenata_ica i postupku provođenja ankete (3.), i bit će dati zaključci Odbora o osiguranju kvaliteta o provedenoj evaluaciji kvalitete nastavnog procesa na I i II ciklusu studija.

2. Informacije o sadržaju ankete

Sadržaj ankete koja se koristila u postupku studentske evaluacije online nastavnog procesa za ljetni semestar 2019/20. godine koncipiran je tako da su studenti/ce odgovarali na sljedeća pitanja, zaokružujući jedan od ponuđenih odgovora, pri čemu je uz svaki odgovor studentima/cama bila ostavljena mogućnost ostavljanja dodatnih komentara:

1. Da li se na predmetu izvodi online nastava?

- Izvodi u skladu sa izvedbenim planom i programom
 - Izvodi ali ne prema izvedbenom planu i programu
 - Ne izvodi
2. Da li je nastavnik učinio dostupnim u elektronskoj formi nastavne materijale za *online* nastavu?
- Da
 - Djelimično
 - Ne
3. Da li su Vam raspoloživi e-materijali korisni u procesu savladavanja gradiva?
- Da
 - Djelimično
 - Ne
4. Koja se platforma koristi za realizaciju *online* nastave
- Zoom
 - Skype
 - Office 365 Microsoft Teams
 - Google classroom
 - Big Blue Button
 - Jitsi Meets
 - _____ (ako nije niti jedna od navedenih upišite koju/e aplikaciju/e koristite za realizaciju nastave).
5. Da li je nastavnik/asistent dostupan za konsultacije?
- DA, putem e-maila.
 - DA, postoje termini *online* konsultacija ili se oni mogu dogovoriti putem emaila kako bi se nejasnoće u nastavnom procesu otklonile.
 - NE
6. Da li postoje tehnički problemi tokom izvođenja nastave:
- DA
 - DJELIMIČNO
 - NE
7. Koliko ste prisustvovali *online* nastavi?
- manje od 50%
 - između 50 i 70%
 - više od 70% nastave
8. Smatrate li adekvatnim *online* provjere znanja za ovaj predmet?
- DA
 - NE

9. Kako biste ocjenili, ocjenom na skali od 1 do 5 (1-najlošije, 5-najbolje) uspješnost organizacije *online* nastave?

- 1
- 2
- 3
- 4
- 5

10. Jesu li Vaša iskustva generalno pozitivna, i smatrate da bi u redovnim okolnostima preporučili *online* način izvođenja nastave u slučajevima nadoknade nastave, kraćeg službenog odsustva nastavnika/saradnika itd.?

- DA
- NE

Na kraju ankete su studenti/ce pozvani da navedu komentare, primjedbe i sugestije za koje smatraju da mogu pomoći kvalitetnijoj provedbi *online* nastave, a nisu obuhvaćeni gore navedenim pitanjima i komentarima.

2. Informacije o broju anketiranih studenata_ica i postupku provođenja ankete

Edin Hastor, IT podrška na Fakultetu je prema uputama Predsjednice Odbora za osiguranje kvaliteta Fakulteta doc. dr. Darje Softić Kadenić i uz konsultacije Prodekana za nastavu doc. dr. Midhata Izmirlije prilagodio anketni upitnik dostavljen sa Univerziteta potrebama Pravnog fakulteta i postavio online anketu za sve predmete ljetnog semestra na svakoj studijskoj godini I ciklusa studija i za sve predmete ljetnog semestra na smjerovima II ciklusa studija na web stranicu Fakulteta. Studenti su putem web stranice pozvani da pristupe popunjavanju ankete za svoju studijsku godinu/smjer studija. Anketa je bila otvorena u periodu od 28.5. do 01.06. u vrijeme kada se na Fakultetu online nastava održavala već prethodnih 11 sedmica.

Za razliku od prethodnih godina, a zbog nepostojanja drugačije tehničke mogućnosti, rezultati evaluacije dostavljeni su predsjednici Odbora za osiguranje kvaliteta od strane Edina Hastora u obliku excel tabele za svaku studijsku godinu I ciklusa odnosno smjer II ciklusa studija bez automatske obrade podataka koju je prethodnih godina automatski obavljao server i formirao statističke podatke.

Prema evidenciji, ukupno su ispunjena 322 anketna upitnika, od toga na I ciklusu najviše na 2. godini studija (130), zatim na trećoj godini studija (92), na prvoj godini studija (63), a najmanje na četvrtoj godini studija (28). Na drugom ciklusu su na Pravno-ekonomskom smjeru popunjena 4 anketna upitnika, na Krivično-pravnom smjeru dva, na Državno-pravom i Komparativno pravnom smjeru po jedan, na Građanskopravnom ni jedan.

2.1. Broj studenata/ica koji se pristupio anketiranju po pojedinim predmetima u ljetnom semestru I i II ciklus studija akademske 2018./19. godine

I CIKLUS

I GODINA

Naziv predmeta:	Odgovorni nastavnik_ca:	Broj anketiranih studenata_ica:
Historija prava BiH	Prof. dr Enes Durmišević, Doc. dr. Mehmed Bečić	11
Moderne pravne kodifikacije	Prof. Dr. Edin Halapić, Doc. dr. Ehlimana Memišević, asst. Amila Imamović Svraka, MA	12
Rimsko pravo II	Prof. dr Zdravko Lučić, Asst. Mirza Hebib, MA	18
Sociologija i pravo	Doc. Dr Amila Ždralović	5
Struktura prava	Prof. dr Jasna Bakšić Muftić, Doc. dr. Midhat Izmirlija, Doc. dr. Damir Banović	17

II GODINA

Naziv predmeta:	Odgovorni nastavnik_ca:	Broj anketiranih studenata_ica:
Krivično pravo II	Prof. Dr Borislav Petrović, asst. Kanita Pruščanović, MA	15
Nasljedno pravo	Prof. dr. Meliha Povelakić, Doc. Dr Darja Softić Kadenić	20
Porodično pravo II	Prof. dr. Džamna Duman	10
Stvarno pravo	Prof. dr. Meliha Povelakić, Doc. dr. Darja Softić Kadenić, Selma Mezetović Medić, Nasir Muftić	46
Ustavno pravo II	Doc. dr Lejla Balić	24
Kriminologija	Prof. dr. Borislav Petrović, asst. Kanita Pruščanović, MA	3

Pravna klinika iz stvarnog i zemljišnoknjižnog prava	Prof. dr. Meliha Powlakić, Doc. dr. Darja Softić Kadenić	4
Ekološko pravo	Prof. dr. Amina Nikolajev	4
Sudovi: historijskoppravna perspektiva	Prof. dr. Fikret Karčić, Doc. dr. Ehlimana Memišević	1
Sociologija prava	Doc. Dr. Amila Ždralović	2

III GODINA

Naziv predmeta:	Odgovorni nastavnik_ca:	Broj anketiranih studenata_ica:
Krivično procesno pravo II	Prof. Dr. Hajrija Sijerčić Čolić, doc. dr. Vildana Pleh, Asst. Ena Gotovuša, MA iur	22
Međunarodno javno pravo II	Prof. Dr. Nežla Borić, asst. Damir Muminović, MA	15
Međunarodno krivično pravo	Prof. Dr. Borislav Petrović, asst. Kanita Pruščanović, MA iur	6
Obligaciono pravo II	Prof. dr. Abedin Bikić, doc. dr. Almedina Šabić, Ućanbarlić	15
Osnovi evropskog privatnog prava	Prof. Dr. Zdravko Lučić, asst. Mirza Hebib, MA iur	20
Socijalno pravo	Prof. Dr. Jasminka Gradašćević Sijerčić, prof. dr. Mehmed Hadžić	9
Evropsko privatno pravo	Prof. dr. Meliha Powlakić	1
Nomotehnika	Prof. dr. Jasna Bakšić Muftić, Doc. dr. Midhat Izmirlija, Doc. Dr. Damir Banović	1
Pravo privrednog sistema EU	Prof. Dr. Kanita Imamović Čizmić, asst. Lejla Ramić, MA	1
Pravo, religija i nasilje – Historijska perspektiva	Prof. dr. Fikret Karčić, Doc. Dr. Ehlimana Memišević	2

IV GODINA

Naziv predmeta:	Odgovorni nastavnik_ca:	Broj anketiranih studenata_ica:
Upravno pravo II	Prof. Dr Enver Ajanović, stručni suradnik Harun Išerić, MA,	2
Građansko procesno pravo II	Prof. dr. Sanjin Omanović, asst. Anisa Ruhotina, MA	11
Međunarodno privatno pravo II	Prof. Dr Edin Muminović	1
Penologija	Prof. dr Hajrija Sijerčić Čolić, doc. dr. Vildana Pleh, asst. Ena Gotovuša, MA	6
Poslovno pravo	Prof. dr. Zinka Grbo	3
Pravna klinika iz međunarodne prodaje robe	Prof. dr. Abedin Bikić, Prof. dr. Meliha Powlakić	4
Tumačenje prava – topika i argumentacija	Prof. dr. Jasna Bakšić Muftić, Doc. dr.	1

II CIKLUS

PRAVNO-EKONOMSKI SMJER

Naziv predmeta:	Odgovorni nastavnik_ca:	Broj anketiranih studenata_ica:
Porezno pravo i porezni sistem	Prof. Dr Edina Sudžuka	4

DRŽAVNO-PRAVNI SMJER

Naziv predmeta:	Odgovorni nastavnik_ca:	Broj anketiranih studenata_ica:
Ustavno pravo – izabrane teme	Prof. dr. Jasna Bakšić Muftić, Doc. dr. Lejla Balić, Doc. dr. Midhat Izmirlija, doc. dr. Damir Banović	1

KRIVIČNO-PRAVNI SMJER

Naziv predmeta:	Odgovorni nastavnik_ca:	Broj anketiranih studenata_ica:
Krivično parvo EU	Prof. dr. Hajrija Sijerčić Čolić	2

KOMPARATIVNO-PRAVNI SMJER

Naziv predmeta:	Odgovorni nastavnik_ca:	Broj anketiranih studenata_ica:
Recepcija prava u Jugoistočnoj evropi	Doc. dr. Mehmed Bečić	2

GRAĐANSKO-PRAVNI SMJER

Naziv predmeta:	Odgovorni nastavnik_ca:	Broj anketiranih studenata_ica:
Pravni režim nekretnina	Prof. dr. Sanjin Omanović, Prof. dr. Meliha Powlakić	0

3. Generalna evaluacija kvalitete nastavnog procesa na I i II ciklusu studija

Na osnovu analize rezultata evaluacije nastavnog procesa na I i II ciklusu studija, Odbor za osiguranje kvaliteta konstatira da je evaluacija uspješno provedena, te da su studenti/ice u najvećem dijelu zadovoljni načinima realizacije online nastave na Pravnom fakultetu. Broj ispunjenih anketnih upitnika je mogao biti veći, naročito na IV godini studija, kao i na II ciklusu studija, te ubuduće treba aktivno podizati svijest studenata/ica o značaju pristupanja evaluaciji nastavnog procesa i akademskog osoblja.

Iz velike većine odgovora proizlazi da je online nastava održavana redovno prema izvedbenom planu i programu uz pomoć različitih platforme, pretežno Zoom i Microsoft Teams, da su predmetni nastavnici i sadradnici bili dovoljno pristupačni za konsultacije putem emaila ili uživo preko videolinka, te su studentima/icama stavili na raspolaganje adekvatne materijale. Vidljivo je da je na nekim predmetima online nastava u smislu video/live predavanja uspostavljena nešto kasnije tj. da je na nekim predmetima proces prilagodbe trajao nešto duže nego na drugim, ali su i prije toga studentima putem web stranice odnosno emaila dostavljani nastavni materijali. Prema podacima ankete ne postoji predmet na kojem se online nastava nikako nije održavala.

Studenti/ce u pogledu tehničkih poteškoća najčešće navode lošu Internet konekciju.

Studenti/ice smatraju u većem broju slučajeva online nastavu uspješnim i primjerenim oblikom izvođenja nastave i za neke buduće situacije. Drugačiji stav većima pri tome ima povodom održavanja ispita online. Po tom pitanju samo manji broj ispitanih smatra takav način ispitivanja adekvatnim, dok većina preferira održavanje ispita u salama.

U prilog iznesenih zaključaka Odbora za osiguranje kvaliteta govori da studenti/ce na pitanje kako na skali od 0-5 ocjenjuju uspješnost provedene online nastave, na I godini studija dali prosječnu ocjenu 4,3, na II godini studija, 4,2, na III godini 3,97, a na IV godini studija 4,6.

Na drugom ciklusu zbog premalog broja popunjenih upitnika Komisija ne smatra relevantnim izvučene prosječne ocjene, osim na Pravno-ekonomskoj katedri, gdje je prosječna ocjena 4,0. To je jasan pokazatelj da su anketirani studenti zadovoljni kako se Pravni fakultet suočio sa izazovima i realizirao proces nastave i provjere znanja u potpunosti online.

Iz komentara i ocjena studenata u odnosu na pojedinačne predmete akademsko osoblje i Uprava fakulteta mogu izvući korisne informacije i zaključke u pogledu budućih koraka i poduzeti potrebne mjere za poboljšanje kvaliteta online nastave za slučaj da se u budućnosti ponovo pojavi potreba za online izvođenjem nastavnog procesa.

Odbor za osiguranje kvaliteta na Pravnom Fakultetu Univerziteta u Sarajevu

1. Doc. dr. Darja Softić Kadenić, predsjednica




2. prof.dr Zdravko Lučić, član



3. prof.dr Amila Ferhatović, članica



4. stručna saradnica Lejla Ramić, MA iur., članica



5. stručni suradnik Harun Išerić, MA iur., član



6. Faruk Dević (USP), član

A handwritten signature in blue ink, appearing to read "Faruk D.", with a stylized flourish at the end.